



STRANDABYGGÐ

SÓL ER SKÝJA SKJÓLDUR OG SKÍNANDI RÓÐULL OG ÍSA ALDUKIRREGI

Erindisbréf Ungmennaráðs Strandabyggðar

Stjórnskipuleg staða

Ungmennaráð heyrir undir sveitarstjórn Strandabyggðar og starfar undir stjórn ungmennanings og á grundvelli æskulýðslaga nr. 70/2007.

Í 11. gr. laganna segir: „Sveitarstjórnir hlutast til um að stofnuð séu ungmennaráð. Hlutverk ungmennaráða er m.a. að vera sveitarstjórnur til ráðgjafar um málefni ungs fólks í viðkomandi sveitarfélagi. Sveitarstjórnir setja nánari reglur um hlutverk og val í ungmennaráð.“

Tilgangur ungmennaráðs Strandabyggðar er að skapa vettvang og leiðir til þess að gera ungmennum kleift að koma hugmyndum og skoðunum sínum á framfæri m.a. við kjörna fulltrúa sveitarfélagsins auk þess að veita ungmennum fræðslu og þjálfun í lýðræðislegum vinnubrögðum. Ungmennaráð starfar í umboði sveitarstjórnar í samræmi við samþykkt um stjórn- og fundarsköp Strandabyggðar.

Skipan nefndarinnar

Ungmennaráð skal skipað fimm fulltrúum til tveggja ára í senn. Annað árið er þá kosið um tvo fulltrúa en þrjá hitt árið. Fulltrúar þessir eru kosnir á fyrsta ungmennaningi vetrarins. Varamenn ungmennaráðs eru þeir fimm sem efstir eru í kosningu en ná þó ekki kjöri á ári hverju.

Á fyrsta fundi Ungmennaráðs kýs ráðið sér formann og áheyrnarfulltrúa í nefndir sveitarfélagsins. Formaður kallar á fundi og getur stigið inn sem varamaður á nefndarfundum ef áheyrnarfulltrúi Ungmennaráðs í þeirri nefnd forfallast. Varamenn geta stigið inn sem nefndarfulltrúar Ungmennaráðs, sem varamenn á fundum eða verið til aðstoðar við viðburði og ungmennanings. Ungmennaráð á áheyrnarfulltrúa í fjórum nefndum sveitarfélagsins, Fræðslunefnd, Atvinnu-, dreifbýlis- og hafnarnefnd, Tómsunda-, íþrótt- og menningarnefnd og Umhverfis- og skipulagsnefnd.

Tómsundafulltrúi situr sem áheyrnarfulltrúi á fundum Ungmennaráðs og ritar einnig fundargerð.

Hlutverk nefndarinnar

- Vera tengiliður ungmenna í Strandabyggð við yfirvöld og ráðgefandi um málefni ungmenna
- Vera rödd ungmenna í Strandabyggð, gæta hagsmuna þeirra og efla umfjöllun um viðkomandi málefni
- Halda utan um ungmennanings tvisvar á ári þar sem ungmenni geti komið saman og komið skoðunum sínum á framfæri
- Efla og skipuleggja félagslíf og almenna fræðslu fyrir ungmenni á aldrinum 13-25 ára í sveitarfélaginu.
- Bæta samfélagið með jákvæðu hugarfari og góðu fordæmi
- Virkja ungmenni í samfélaginu

Starfshættir

Starfstími Ungmennaráðs er frá fyrsta ungmennaningi á hausti og fram að ungmennaningi næsta hausts, þar sem kosið er í nýtt ráð.



STRANDABYGGÐ

SÓL ER SKÝJA SKJÓLDUR OG SKÍNANDI RÓÐULL OG ÍSA ALDURITREGI

Á þessu tímabili skal Ungmennaráð funda að minnsta kosti 4 sinnum eða eftir þörfum. Að jafnaði skal Ungmennaráð funda með sveitarstjórn árlega. Formaður boðar fundi í samráði við tólmstundafulltrúa. Formaður stýrir fundum.

Á fundum Ungmennaráðs er farið yfir málefni úr nefndum sem koma að ungmennum, félagslíf skipulagt og ungmennaping skipulögð.

Ungmennaráð heldur utan um ungmennaping tvisvar sinnum á ári þar sem allir á aldrinum 13-25 ára eru velkomnir. Á þessum þingum er farið yfir síðastliðið tímabil og næsta tímabil skipulagt. Allir sem mæta á ungmennapingið hafa atkvæðis- og tillögurétt. Hugmyndir að verkefnum eru lagðar fram til sveitarstjórnar til frekari umfjöllunar og afgreiðslu. Fulltrúi Ungmennaráðs heldur utan um samráð við sveitarstjórn.

Réttindi og skyldur

Fulltrúar Ungmennaráðs fá greitt fyrir setu á Ungmennaráðsfundum samkvæmt Samþykkt um kjör og fulltrúa í stjórnnum, ráðum og nefndum Strandabyggðar. Ef um forföll er að ræða á fundi skal það tilkynnt á skrifstofu Strandabyggðar eigi síðar en kl. 10:00 boðaðan fundardag.

Á fundum í nefndum sveitarfélagsins, gilda sömu reglur um þátttöku í fjarbúnaði, eins og gilda um kjörna fulltrúa, sbr „Auglýsingu um leiðbeiningar um fjarfundi sveitarstjórna“ og er þar sérstaklega vísað til 2. gr. þar sem segir: *„Þegar nefndarmaður tekur þátt í fundi með rafrænum hætti skal hann vera staddur í viðkomandi sveitarfélagi eða í erindagjörðum innanlands á vegum þess.“*

Lög og reglugerðir

Ráðið skal fylgja samþykkt um stjórn og fundarsköp Strandabyggðar eins og hún er hverju sinni og kynna sér ákvæði sveitarstjórnarlaga nr. 138/2011 og æskulýðslögum nr. 70/2007.

Gildistaka

Erindisbréf þetta var samþykkt af sveitarstjórn Strandabyggðar á sveitarstjórnarfundi 10. desember 2024.